



Broj: 03/1-33-10956-1/21
Bihać, 19. 10. 2021. godine

Association „Potentiel 3.0“
20 Plage de l'Estaque
13016 Marseille
France

Predmet: Pismo podrške

Dana 6. 10. 2021. godine u Kabinetu premijera Kantona održan je sastanak sa predstavnicima asocijacije „Potentiel 3.0“, Ministarstva zdravstva, rada i socijalne politike Unsko-sanskog kantona, JU „Kantonalna bolnica“ Bihać i JU „Razvojna agencija Unsko-sanskog kantona“ na kojem je prezentiran Projekt stvaranja onkološke mreže zdravlja i okoliša (R.O.S.E).

Opremljenost zdravstvenih ustanova na području Unsko-sanskog kantona nije dovoljno dobra. Uz ostale izazove, finansijske poteškoće su jedan od uzroka nedovoljne materijalno - tehničke opremljenosti Kantonalne bolnice, većine domova zdravlja i područnih ambulanti porodične medicine, nedovoljnog broja educiranih zdravstvenih radnika i česte fluktuacije liječnika. Obzirom na udaljenost od drugih tercijarnih zdravstvenih ustanova, koje se nalaze u Sarajevu i Tuzli, zdravstvene ustanove u Unsko-sanskom kantonu bi trebale ponuditi visokodiferencirane i specijalizirane usluge korisnicima. S tim u vezi jedan od prioriteta u strateškom cilju 2 „Unaprjeđen razvoj inkluzivnog i prosperitetnog društvenog sektora“ Strategije razvoja Unsko-sanskog kantona za period 2021.-2027. godina je prioritet 2.3. Unapređenje sistema integrisanih zdravstvenih usluga koji će se postići kroz podršku materijalno - tehničkoj opremljenosti zdravstvenih ustanova, uz donošenje i implementaciju javnih politika prevencije bolesti te podršku uspostavljanju i razvoju visokodiferenciranih i specijaliziranih usluga u sistemu tercijarne zdravstvene zaštite. Također je bitno napomenuti da se treći strateški cilj Strategije razvoja odnosi na Održivo upravljanje okolišem, prirodnim i infrastrukturnim resursima.

U skladu sa prethodno navedenim smatramo da bi vaš projekt mogao doprinijeti ostvarenju naših strateških ciljeva i dajemo vam podršku u skladu sa našim mogućnostima.

Izuzetno cijenimo vaš trud i zahvaljujemo se na uloženom naporu.

S poštovanjem,



Dostavljeno:

1. Naslovu,
2. a/a